

1. **Ministarstvo finansija Kantona Sarajevo, kojeg zastupa Ministar finansija Kantona Sarajevo Jasmin Halebić, ul. Maršala Tita 62., 71000 Sarajevo, ID broj:4200666010004, telefon 033/565-005 (u daljem tekstu: Naručilac usluga)**

i

2. **iNovine BH d.o.o. Sarajevo, ul. Kolodvorska br. 12, Sarajevo, kojeg zastupa Direktor Jurica Jurič, ID broj:4201964320004, PDV broj: 201964320004, račun:1610000112600036 kod Raiffeisen Bank d.d. Sarajevo, u (daljem tekstu: Pružalac usluga)**

Zaključuju

**UGOVOR O PRUŽANJU USLUGA VRŠENJA PRODAJE 310000
(TRISOTINEDESETHILJADA) KOMADA SUDSKIH TAKSENIH MARAKA U
APOENIMA OD 0,5 KM, 1KM, 2 KM, 5 KM I 10 KM U KANTONU SARAJEVO (UNUTAR
DVJESTA METARA U KRUGU OD ZGRADE OPĆINSKOG SUDA U SARAJEVU, UL.
ŠENOINA BR.1 SARAJEVO)**

I UVOD

Član 1.

Na osnovu provedenog postupka direktnog sporazuma, Naručilac usluga je nakon ispitivanja tržišta prihvatio cijenu ponuđača iNovine BH d.o.o. Sarajevo za usluge za prodaju 310000 (slovima: trisotinedesethyljada) komada sudskih taksenih maraka u apoenima od 0,5 KM, 1 KM, 2 KM, 5 KM i 10 KM u 2020. godini, u Kantonu Sarajevo - unutar dvjesto metara u krugu od zgrade Općinskog suda u Sarajevu, ul. Šenoina br.1, 71000 Sarajevo, za potrebe Ministarstva finansija Kantona Sarajevo i odlučio da sa istim ponuđačem iNovine BH d.o.o. Sarajevo zaključi ovaj ugovor.

Ovaj ugovor zaključuje se na osnovu provedenog postupka direktnog sporazuma i Odluke Ministra finansija Kantona Sarajevo, broj: JN-OI-08-01-11-10849-4/2020 od 28.04.2020. godine.

Član 2.

Ovaj ugovor počinje trajati od dana potpisivanja istog i traje jednu godinu sve do izvršenja prodaje svih sudskih taksenih maraka iz člana 1. ovog ugovora.

I PREDMET UGOVORA

Član 3.

Predmet ovog ugovora je pružanje usluga prodaje 310000 (slovima: tristotinedesethiljada) komada sudskih taksenih maraka u apoenima od 0,5 KM, 1 KM, 2 KM, 5 KM i 10 KM u 2020. godini u protivrijednosti iskazanoj u novcu u ukupnom iznosu 1.883.500,00 KM (slovima: milionosamstotinaosamdesetihiljadepetstotina KM), u Kantonu Sarajevo - unutar dvjesta metara u krugu od zgrade Općinskog suda u Sarajevu, ul. Šenoina br.1, 71000 Sarajevo.

Član 4.

Na osnovu ovog ugovora Naručilac usluga će u dvanaest (12) jednakih vremenskih intervala, i to četiri puta u svakom od 12 intervala, na osnovu priloženog dokaza (uplatnice) o izvršenoj akontativnoj uplati novačanih sredstava za preuzimanje sudskih taksenih maraka u apoenima od 0,5 KM, 1 KM, 2 KM, 5 KM i 10 KM i na osnovu izvršene provjere o uplati u evidenciji Ministarstva finansija Kantona Sarajevo (RAS-a), Pružaocu usluga izdati sudske taksene marke u protivrijednosti uplaćenog iznosa, i to na način:

- da će Pružalac usluga u roku od dva (2) dana od dana potpisivanja ovog ugovora dostaviti Naručiocu usluga mjenicu i mjenično pismo kao sredstvo plaćanja i instrument osiguranja plaćanja prve isporuke predmetnih sudskih taksenih maraka preuzetih od Pružaoca usluga, a da će svaki naredni put dostaviti uplatnicu kao dokaz o izvršenoj uplati sredstava za preuzimanje sudskih taksenih maraka u apoenima od 0,5 KM, 1 KM, 2 KM, 5 KM i 10 KM. Naručilac usluga će Pružaocu usluga na osnovu izvršene provjere o uplati u evidenciji Ministarstva finansija Kantona Sarajevo (RAS-a) svaki put izdati sudske taksene marke u protivrijednosti uplaćenog iznosa sudske taksene marke i to sve do zadnje uplate do ukupnog iznosa protivrijednosti sudskih taksenih maraka iz člana 3. ovog ugovora,
- da će ugovorne strane po izvršenju ovog ugovora imenovati svoje predstavnike u komisiju koja će se formirati sa zadatkom da izvrši sravnjavanje uplata i preuzetih sudskih taksenih maraka.

III CIJENA

Član 5.

Ukupna cijena predmetnih usluga je fiksna i iznosi: 2.100,00 KM (slovima:dvijehiljadestotinu KM) bez PDV-a, a sa obračunatim PDV-om iznosi 2.457,00 (slovima: dvijehiljadečetiristotinepedeset KM).

IV NAČIN PLAĆANJA CIJENE

Član 6.

Plaćanje cijene će se izvršiti na slijedeći način:

Naručilac usluga se obavezuje da Pružaocu usluga za usluge iz člana 1. ovog ugovora plati cijenu iz člana 3. ovog ugovora po ispostavljenoj fakturi u iznosu od 2.100,00 KM (slovima: dvijehiljadestotinu KM) bez PDV-a, a sa obračunatim PDV-om iznosi 2.457,00 (slovima: dvijehiljadečetiristotinepedeset KM), nakon što Pružalac usluga u prilogu posljednje akontativne uplate u dvanaestom intervalu dostavi fakturu u navedenom iznosu, i to na žiro račun Pružaoca usluga, račun broj:1610000112600036 kod Raiffeisen Bank d.d. Sarajevo, ID broj: 4200342970005.

V OBAVEZE UGOVORNIH STRANA

Član 7.

Pružalac usluga je obavezan:

- Pružalac usluga se obavezuje da će u ime i za račun Naručioca usluga, vršiti prodaju sudskih taksenih maraka u apoenima od 0,5 KM, 1 KM, 2 KM, 5 KM i 10 KM, prema ovom ugovoru, stručno i kvalitetno, saglasno važećoj zakonskoj regulativi, pravilima i standardima struke koja su na snazi danom zaključenja ovog ugovora,
- Pružalac usluga je dužan da prije preuzimanja sudskih taksenih maraka (sudske taksene marke u apoenima od 0,5 KM, 1 KM, 2 KM, 5 KM i 10 KM) od Ministarstva finansija Kantona Sarajevo-Komisije za poslove izrade i distribucije taksenih maraka, akontativno uplati novčana sredstava za preuzimanje sudskih taksenih maraka koja će uplaćivati sukcesivno četiri puta u toku jednog vremenskog intervala od jednog mjeseca na depozitni račun Kantona Sarajevo, broj 1411965320008475, otvoren kod banke BBI d.d. Sarajevo, na vrstu prihoda 722221, općina 077, stim da će u roku od dva (2) dana od dana potpisivanja ovog ugovora dostaviti Naručiocu usluga mjenicu i mjenično pismo kao sredstvo plaćanja i instrument osiguranja plaćanja prve isporuke predmetnih sudskih taksenih maraka preuzetih od Pružaoca usluga.

Naručila usluga je obavezan:

- Naručilac usluga, odnosno Komisija za poslove oko izrade i distribucije taksenih maraka Ministarstva finansija Kantona Sarajevo je dužan/na da na zahtjev Pružaoca usluga, priloženog dokaza (uplatnice) o izvršenoj akontativnoj uplati novčanih sredstava za preuzimanje sudskih taksenih maraka, koja će uplaćivati sukcesivno četiri puta u toku jednog vremenskog intervala od jednog mjeseca, i na osnovu izvršene provjere o uplati u evidenciji Ministarstva finansija Kantona Sarajevo (RAS-a), Pružaocu usluga izda sudske taksene marke (sudske taksene marke u apoenima od 0,5 KM, 1 KM, 2 KM, 5 KM i 10 KM) u protuvrijednosti uplaćenog iznosa, stim da će u roku od dva (2) dana od dana potpisivanja ovog ugovora na osnovu dostavljene mjenice i mjeničnog pisma od Pružaoca usluga izvršiti prvu isporuku predmetnih sudskih taksenih maraka u protuvrijednosti u mjenici onačene svote novca.

- da Pružaocu usluga za usluge iz člana 1. ovog ugovora plati cijenu iz člana 3. ovog ugovora po ispostavljenoj fakturi u iznosu od 2.100,00 KM (slovima: dvijehiljadestotinu KM) bez PDV-a, a sa obračunatim PDV-om iznosi 2.457,00 (slovima: dvijehiljadečetiristotinepedeset KM), nakon što Naručilac usluga u prilogu posljednjeg dvanaestog intervala dostavi fakturu u navedenom iznosu, i to na žiro račun Pružaoca usluga, račun broj: 1610000112600036 kod Raiffeisen Bank d.d. Sarajevo, ID broj: 4200342970005.

Cijena koju je Pružalac usluga ponudio u svojoj Ponudi/Predračunu broj: 2020/2704 od 27.04.2020. godine, protokolisana na Protokolu Kantona Sarajevo pod brojem: 08-11-10988 od 28.04.2020. godine, koja je sastavni dio ovog ugovora je ista i ne može se mijenjati u toku trajanja ovog ugovora.

V OSTALE ODREDBE

Član 8.

U slučaju propusta Pružaoca usluga u izvršavanju ovog ugovora, Naručilac usluga može uz dostavljanje Pružaocu usluga pismene obavijesti o neizvršavanju ovog ugovora prekinuti ugovorni odnos, nastao zaključivanjem ovog ugovora, u cjelini ili u njegovom dijelu, ako Pružalac usluga ne ispravi svoj propust u roku od sedam dana nakon prijema obavijesti o propustu u izvršavanju ovog ugovora.

Član 9.

Rok trajanja ovog ugovora utvrđuje se na period od jedne (1) godine od potpisivanja ovog ugovora a trajeće sve do izvršenja prodaje svih sudskih taksenih maraka iz člana 1. ovog ugovora.

Član 10.

Sve eventualne sporove, strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne nadležan je sud u Sarajevu.

Član 11.

Ovaj ugovor stupa na snagu danom obostranog potpisa obje ugovorne strane po ovlaštenim licima.

Član 12.

Sastavni dio ovog ugovora čini:

1. Ponuda/Predračun sa ponuđenom cijenom za pužanje predmetnih usluga „iNovine BH d.o.o. Sarajevo“, broj: 2020/2704 od 27.04.2020. godine, protokolisana na Protokolu Kantona Sarajevo pod brojem: 08-11-10988 od 28.04.2020. godine.

Član 13.

Ovaj ugovor je sačinjen u 4 (četiri) jednaka primjerka od kojih Naručilac usluga zadržava 2 (dva), a 2 (dva) primjerka se uručuju Pružaocu usluga.

Za Pružaoca usluga:

DIREKTOR



Za Naručioca usluga:

MINISTAR

